

KERATAN AKHBAR

(Bahagian Canselori)

Surat khabar: Utusan Borneo (Ekonomi)

Hari/Tarikh: 21/5/2016

Muka surat: A12

Tajuk : Hala tuju ekonomi Malaysia dan S'wak di landasan tepat

Hala tuju ekonomi Malaysia dan S'wak di landasan tepat

KOTASAMARAHAN: Hala tuju ekonomi Malaysia amnya dan Sarawak khasnya berada di landasan tepat dalam usaha mencapai status negara maju menjelang 2020.

Perkara itu didebak oleh Ketua Pakar Ekonomi Bank Dunia Rantau Pasifik dan Asia Timur Dr Sudhir Shetty pada sesi dialog yang turut dihadiri delegasi Bank Dunia lain di Dewan Serbaguna Pusat Islam Universiti Malaysia Sarawak (UNIMAS) di sini semalam.

Menurutnya, pendekatan yang diambil Malaysia adalah tepat dan betul berdasarkan pengalaman lampau yang dihadapi negara ini ketika krisis ekonomi dunia pada 1997.

"Malaysia telah belajar daripada masa lalunya iaitu ketika krisis yang melanda ekonomi dunia pada 1997 dan dengan pendekatan yang diambil

pada masa kini Malaysia berada di landasan tepat untuk menuju status negara maju," katanya.

Malah, Dr Sudhir memberitahu, pendekatan yang diambil Sarawak dalam membangunkan ekonomi dengan meningkatkan penghasilan sumber tenaga mahir juga satu tindakan yang tepat.

Jelasnya, sumber tenaga mahir penting kerana ia merupakan penggerak kepada aktiviti ekonomi selain bergantung kepada sumber ekonomi berpasangan komoditi.

Pada masa sama beliau menjelaskan pelaksanaan Cukai Barang dan Perkhidmatan (GST) antara langkah bijak Malaysia untuk terus kekal dan berdaya saing dalam cabaran ekonomi dunia.

Sementara itu, Timbalan Setiausaha Kerajaan Negeri (Operasi) Datu Ose Murang berkata, Sarawak berhasrat

untuk memperkenalkan dasar pembangunan yang dilaksanakan di negeri ini kepada delegasi Bank Dunia.

"Saya juga mahu mereka mendapat idea tentang penggunaan tanah kita yang mampan kerana ia satu subjek yang hangat tetapi masyarakat luar bandar kadang-kala ada persepsi tertentu mengenai jenis pembangunan yang kita jalankan di Sarawak."

"Jika mereka (delegasi Bank Dunia) memberi kita laporan cemerlang, saya pasti ia juga akan membantu orang yang membaca laporan Bank Dunia untuk mengenali kita di Sarawak," ujarnya.

Hadir sama Pakar Ekonomi Kanan Bank Dunia Rafael Munoz Moreno, Ketua Pakar Ekonomi Dr Julio E. Revilla, Naib Canselor UNIMAS Profesor Mohd Fadzil Abdul Rahman dan tetamu kehormat lain.